

續  
文  
獻  
通  
考

續文獻通考卷之一百四十二

皇明進士雲間王圻纂輯

謚法考 北齊帝后至隋臣

北齊帝后謚

高祖神武皇帝姓高名歡字賀六渾渤海脩人仕魏爲相  
國封齊王武定五年薨謚獻武王天統元年改謚神武  
皇帝 婁皇后名昭君武成大寧二年崩謚明

世宗文襄皇帝名澄字子惠神武長子仕魏爲相國封齊  
王武定七年爲梁將蘭欽子京所殺八年謚文襄王天  
保元年追尊爲文襄皇帝 元皇后魏孝靜帝之妹文  
宣受禪尊爲文襄皇后後文宣又淫於后武成中卒謚

敬

顯祖文宣皇帝名洋字子進神武次子天保元年受魏禪  
十年暴崩於晉陽廢帝乾明元年謚文宣天統初詔改  
謚景烈廟號威宗武平初復本謚號顯祖 后李氏爲  
武成所亂後爲尼

孝昭皇帝名演字延安神武第六子乾明元年少王被廢  
遂卽帝位皇建二年崩於晉陽宮大寧元年謚孝昭

初孝昭崩魏收議謚爲恭烈裴澤抗論曰魏收死後亦  
不肯爲恭烈之謚何容以擬大行且比皇太后不豫先  
帝殯寢失常聖躬貶損今者易名必須加孝遂改爲孝  
昭

世祖武成皇帝名湛神武第九子皇建二年卽位河清四年傳位太子天統四年崩謚武成

北齊宗室謚

清河王嶽字洪略神武從父弟魏侍御中散齮之子天保六年謚昭武

趙郡王琛字元寶神武弟以亂神武後庭杖而卒天平時謚貞一謚貞平 陳留王惠寶琛母弟天統三年謚文恭

長樂太守贈大將軍司空靈山字景高神武族弟謚文宣陽州公永樂神武從祖兄子謚武昭

永安王浚字定樂神武第三子以直諫爲文襄所誅乾明

元年謚簡平

平陽王淹字子邃神武第四子河清二年謚靖翼

彭城王浹字子深神武第五子河清二年爲盜所害謚景

思

上黨王渙字敬壽神武第七子與永安王同被殺乾明元年謚剛肅

襄城王清一名清神武第八子乾明二年謚景

高陽王湜神武第十一子乾明初謚康穆

博陵王濟神武第十二子天統五年以言語不倫後王陰

使人殺之謚文簡

漢陽王洽字敬延神武第十五子乾明元年謚敬懷

河南王孝愉字正德文襄長子爲武成所毒謚康獻一謚

康舒

蘭陵王長恭一名孝瓘文襄第四子謚武

瑯琊王儼字仁威武成第三子後主忌而殺之謚恭哀

北齊諸臣謚

尙書太僕射兼侍中贈太保冀州刺史藍田縣公高德正  
渤海人故魏征虜將軍顥之子宣武初以讒見殺神武  
執政時謚康

御史中尉贈大司馬太尉錄尙書事定州刺史竇泰字世  
寧太安捍殊人神武西征以中尉從爲周文所襲自殺  
謚武貞

定州刺史贈假黃鉞太師太尉太原王襄昭代郡平城人  
神武執政時謚武

楊州刺史贈尚書令司空公蔡雋字景彥廣寧右門人神  
武執政時謚威武

幽州刺史贈司空尉長命太安狄那人神武時謚武壯

常山公府叅軍贈涇岐幽三州軍事集中縣侯尉興字  
興敬長命子從神武攻周文帝於邛山中流矢卒謚閔  
莊

山東大行臺大都督贈太尉段榮字子茂武威姑臧人神  
武秉政時謚昭景 左丞相贈假黃鉞相國太尉錄尚  
書事朔州刺史廣平郡公段韶字孝先榮子武平二年

謚忠武

征虜將軍散騎常侍李系趙郡栢人人武定八年卒齊初  
贈平東將軍北徐州刺史謚文 司徒右長史贈青州  
刺史李繪字景文系族謚景 太子家令贈北徐州刺  
史李緯字景乾繪弟謚文

尚書右僕射開府儀同三司贈司徒公鉅鹿侯魏蘭根字  
蘭根鉅鹿下曲陽人神武執政時謚文宣 左光祿大  
夫齊州刺史贈司空尚書左僕射魏收字伯起小字佛  
助蘭根族姪武平三年謚文貞

太傅贈太師開府錄尚書事孫騰字龍雀咸陽石安人神  
武執政時謚文



晉州刺史驃騎大將軍贈司空房謨字敬放河南洛陽人  
文襄時謚文惠

魏濟陰內史齊贈度支尚書陳終德廣宗人以子元康貴  
追謚貞 散騎常侍贈司空陳元康字長猷終德子以  
文襄之難被害謚文穆

尚書右僕射贈開府儀同三司尚書左僕射青州刺史薛  
琬字曇珍代人魏徐州刺史彪子之子顯祖文宣天保  
初謚威恭

兗州刺史開府儀同三司叱列平代郡西部人天保初謚  
莊惠

故魏征南將軍給事黃門侍郎齊贈使持節侍中都督殷

滄二州諸軍事車騎大將軍儀同三司仍殷州刺史李  
騫字希義趙郡平棘人天保初謚文惠

太宰章武郡王庫狄干無善人天保中謚景烈

太常卿都督贈侍中開府儀同三司冀州刺史乘氏縣子  
高季式字子通渤海蓆人魏樂城侯翼之子天保四年  
謚恭穆

大司馬贈假黃鉞相國太宰太師朔州刺史安德郡王韓  
軌字伯年太安狄那人文宣時謚肅武

太尉贈太師太尉懷州刺史須昌縣公馬子如字遵業  
河內溫人文宣時謚文明 祠部尚書贈開府儀同三  
司中書監溫縣伯馬子瑞子如兄纂之子謚文節

尚書右僕射儀同三司贈開府儀同三司尚書左僕射定  
州刺史崔暹字季倫博陵安平人天保十年謚貞節

七兵尚書贈都督滄州刺史昌陽縣伯可朱渾元字通元  
遼東人謚恭武

南汾州刺史贈大司馬司徒公尚書令劉豐字豐生晉樂  
人謚忠武一單謚忠

滄州刺史贈尚書令司徒公太傅廣川縣公破六韓常字  
保年單于之裔謚忠武

儀同三司右僕射封子繪字仲藻魏太保封隆之子世祖  
武成河清三年謚簡

太子少保左光祿大夫儀同三司兗州刺史贈開府儀同

三司中書監北豫州刺史鄭述祖字恭文滎陽開封人  
後主天統元年謚平簡

秘書監贈右僕射張曜字靈光上谷昌平人天統初謚貞  
簡

太師左丞相贈假黃鉞相國太尉公咸陽郡王斛律金朔  
州敕勒部人天統二年謚武

右丞相錄尚書事贈假黃鉞相國太尉錄尚書十二州諸  
軍事朔州刺史安定郡王賀拔仁字夫惠無善人後主  
武平元年謚武

膠州刺史贈使持節揚郢二州軍事開府儀同三司尚書  
右僕射揚州刺史杜弼字輔玄中山曲陽人武平元年

謚文肅

銀青光祿大夫贈大理卿濟州刺史武成公崔謚字彥通  
清河東武城人武平初謚文

書侍御史兼太府卿贈儀同三司宋游道廣平人武平中  
以子士素久典機密謚貞惠

給事黃門侍郎儀州刺史贈司空公尙書左僕射冀州刺  
史和安信都臨漳人以子士開貴幸謚文貞 侍中左  
僕射贈假黃鉞十州諸軍事右丞相太宰司徒公錄尚  
書事和士開字彥通以佞見幸武平時爲琅琊王儼等  
所誅謚文定

趙州刺史贈司空公尙書左僕射瀛州刺史胡長聚安定

臨涇人魏安陽宣侯虔之子後主時謚文貞

贈特進開府儀同三司中書監元晞魏昭成帝五世孫以子文遙貴且有孝行追謚孝

北恒雍二州刺史贈司空當亭縣侯賀若統河南洛陽人其先漢北人謚哀

殿中尙書監瀛州事儀同三司贈中書監北豫州刺史陽裴字叔鸞右北平無終人謚簡一謚敬簡

侍中太子太師贈司徒公錄尙書事徐之才丹陽人善醫術謚文明

揚州刺史贈司空冀州刺史盧勇字季禮范陽涿人謚武貞

南鉅鹿太守贈南兖州刺史崔伯謙字士邈博陵安平人  
謚懿

都官尚書贈司空平鑒字明遠燕郡薊人謚文

廷尉少卿贈光州刺史朱世軌西河介休人謚平

中書令開府待詔文林館贈齊州刺史尚書左僕射崔劼  
字彥玄故魏司徒光之子謚文貞

給事黃門侍郎侍中散騎常侍兼御史中丞贈吏部尚書  
并州刺史王松年太原晉陽人魏寧南將軍慧龍之元  
孫謚平

吏部郎中陸卬字雲駒代人魏安北將軍相州刺史子彰  
之子謚文

鄭州刺史贈驃騎大將軍和州刺史郎基字世業中山人  
謚惠

東南道行臺開府燕國公贈太尉慕容紹宗慕容晃第四  
子謚景惠

後周帝后謚

德皇帝姓宇文名肱代郡武川人其先世爲鮮卑君長肱  
以武成初追謚德皇帝

太祖文皇帝名泰肱之少子魏恭帝元年位太師大冢宰  
其年薨謚文公孝閔受禪追尊爲文王武成元年追尊  
爲文皇帝 叱奴皇后代人武帝建德三年崩謚宣

孝閔皇帝名覺文帝第三子魏恭帝之三年冬受禪明年



爲宇文護所弑謚孝閔

世宗明皇帝名毓文帝長子孝閔元年九月卽位武成二年崩謚明 獨孤皇后太保衛公信之長女謚敬

高祖武皇帝名邕文帝第四子武成二年卽位宣政元年崩謚武 阿史那皇后突厥木杆可汗俟斤之女隋開皇二年殂謚成

宣皇帝名贇字乾伯武帝長子宣政元年六月卽位尋傳位於靜帝二年崩謚宣 楊皇后名麗華隋文帝之長女隋興欲奪其志誓不許

靜皇帝名衍宣帝長子大定元年二月遜於隋隋開皇元年遇害謚靜

後周宗室謚

邵公顯太祖長兄保定初追謚惠 顯子什肥保定初謚

景 顯子都督晉公護天和六年以專權見殺建德三

年追謚蕩 顯子大將軍大都督幽國公導魏恭帝元

年謚孝 導子陝州總管太保幽國公廣字乾歸武帝

時謚文 廣弟西陽郡公翼字乾宜謚昭

杞公連太祖次兄保定初追謚簡 連子杞國公光寶保

定初追謚烈

莒公洛生太祖第三兄保定初追謚莊 洛生子莒公菩

提保定初追謚穆

虞公興太祖從弟天和二年謚靖

廣川公測字澄鏡太祖族子大統十年太祖執政謚靖

安化公深測弟保定時謚成康

宋公震太祖子保定元年追謚獻

衛王直太祖子武定時以反誅謚刺

齊王憲太祖第五子大象初以忌見縊追謚煬

趙王招太祖子以謀誅隋文見殺謚僭

譙王儉太祖子爲隋文所害謚孝

陳王純太祖子大象二年爲隋文所害謚惑

越王盛太祖子大象二年爲隋文所害謚野

代王達太祖子大象二年爲隋文所害謚曷

冀王通太祖子大定中爲隋文所害謚康

滕王道太祖子大象二年爲隋文所害謚聞

紀王康字乾安孝閔子建德五年以有異謀賜死謚厲

畢王賢字乾陽大象二年謀除隋文見害謚刺

後周諸臣謚

前軍大都督贈定冀等十州諸軍事定州刺史太宰錄尙  
書事瑯琊公賀拔勝字破胡神武尖山人大統十年文  
帝執政謚貞獻都督二雍二岐四梁三益巴三夏蔚  
寧涇二十州諸軍事贈侍中太傅錄尙書事都督關中  
三十州諸軍事大將軍雍州刺史霍國公賀拔嶽勝弟  
永熙二年爲齊神武所害謚武壯

都督秦渭原涇四州諸軍事秦州刺史念賢字蓋盧屯留

人謚昭定

東雍州刺史贈太尉尚書令雍州刺史廣平郡公梁禦字善通其先安定人後家武川大統四年文帝執政謚武昭

贈驃騎大將軍太尉尚書令松陽郡公寇洛上谷昌平人大統五年文帝執政謚武

雍州刺史扶風郡公贈太尉都督相冀等十州刺史王羅京兆霸城人大統七年謚忠

太傅開府儀同三司蔡郡公王盟其先樂浪人後家武川明德皇后之兄大統十一年謚孝定 都督贈使持節太尉尚書令十州諸軍事雍州刺史追封咸陽郡王王

勛盟子文帝執政時謚忠武

開府侍中涇州刺史河間郡公王德字天恩代郡武川人  
大統十四年謚獻

驃騎大將軍開府儀同三司固安公韋祐字法保京兆山  
北人大統末歿于陣謚莊

宜州刺史贈柱國大將軍原州都督懷寧郡公蔡祐字承  
先高平人文帝時謚莊

東雍州刺史贈長廣郡公太尉劉亮中山人文帝執政時  
謚襄

司空贈秦州刺史長樂郡公若子惠字惠保代郡武川人  
文帝執政時謚武烈

東西北三夏州諸軍事夏州刺史贈華州刺史樂陵郡公  
怡峰字景阜遼西人文帝執政時謚褒威

太子少傅車騎大將軍儀同三司散騎常侍贈冀州刺史  
孟信字修仁廣州索盧人文帝時謚戴

使持節太保柱國大將軍大都督大宗伯趙郡公李弼字  
景和遼東襄平人明帝初謚武

戶部中大夫驃騎大將軍開府儀同三司贈太子少師蒲  
州刺史清河縣公裴俠字嵩和河東解人明帝武成元  
年謚貞

都督金興等六州諸軍事金州刺史贈大將軍華洛等三  
州刺史上洛郡公泉仲遵上洛豐陽人武成初謚莊

贈柱國大將軍太傅長樂郡公尉遲侯堯代人武成初追  
謚定 大司空贈太保吳國公尉遲綱侯堯子天和四  
年謚武 秦州總管贈太僕丞七州諸軍事盧國公尉  
遲運綱子大象元年謚忠

大將軍宜州刺史范陽郡公盧辨字景宣范陽涿人明帝  
時謚獻 虞州刺史行陝州總管府長史燕郡公盧光  
字景仁辨弟武帝時謚簡

柱國夏州總管贈涼瓜等十州諸軍事涼州刺史追封鄯  
國公長孫儉其先代人魏北平王高五世孫明帝時謚  
文

侍中驃騎大將軍開府儀同三司贈岐宜二州刺史平齊



縣公韋瑱字世珍京兆杜陵人明帝時謚惠

驃騎大將軍開府儀同三司平陽縣公達奚寔河南洛陽人高祖武帝保定初謚恭

總管梁興等十九州諸軍事梁州刺史贈虞陝華上路五州刺史楊寬字蒙仁弘農華陰人保定初謚元

大將軍贈成文等八州刺史冠軍縣公楊紹字子安弘農華陰人保定二年謚信

驃騎開府儀同三司贈定瀛冀三州諸軍事冀州刺史西安縣子冠雋字祖儒上谷昌平人保定三年謚元

魏樓煩郡守周贈散騎常侍征西大將軍涼州刺史史遵建康袁氏人以子寧貴追謚貞 荊州刺史荆襄浙郢

等五十二州江陵鎮防諸軍事史寧字永和保定三年  
謚烈

使持節柱國大將軍大都督少傅彭城公侯莫陳崇字尙  
樂代郡武川人保定三年爲晉公護所殺初謚躁護誅  
改謚莊閔

使持節大將軍大都督岐州諸軍事岐州刺史武威郡公  
王雄太原人保定四年謚忠

使持節驃騎大將軍開府儀同三司大都督昌歸憲三州  
諸軍事昌州刺史贈大將軍五州刺史靜安郡公席固  
字子堅其先安定人保定四年謚肅

使持節大將軍大都督荊州諸軍事荊州刺史博陵公賀

蘭祥字盛樂其先與魏俱起後家武川保定四年謚景  
岐州刺史贈太保同鄜等十州諸軍事同州刺史楚國公  
豆盧寧字永安昌黎徒河人保定五年謚昭隴右總  
管府長史贈少保幽冀等五州諸軍事幽州刺史沃野  
縣公豆盧永恩寧弟保定時謚敬

使持節大將軍大都督七州諸軍事雍州刺史高陽侯達  
奚武字成興代人保定五年謚桓

大將軍贈都督揚州刺史清寧郡公梁椿字千年代人保  
定時謚烈

安應等十二州諸軍事安州刺史樂昌縣公郭賢字道因  
趙興陽州人高祖天和元年謚節

眉復二州刺史持節驃騎大將軍開府儀同三司贈絳晉  
建州刺史冠軍公裴果字戎昭河東聞喜人天和二年  
謚質

太保贈太傅許國公宇文貴字永貴其先昌黎大棘人天  
和二年謚穆

都督中州刺史贈大將軍五州諸軍事新義郡公韓雄字  
木蘭河南東垣人天和三年謚威

使持節柱國大將軍大都督大司空常山公于謹字思敬  
其先代人天和三年謚文

贈使持節柱國大將軍大都督十州諸軍事原州刺史西  
河郡公李賢字賢和隴西成紀人天和四年謚桓 開

府儀同三司贈上大將軍襄陽公李端字永貴賢子高祖時鄴城戰歿謚果使持節大將軍大都督陽平公

李遠字萬歲賢弟建德元年謚忠隋開皇初改謚懷

江州刺史贈使持節上開府儀同大將軍賈徐譙三州

刺史燉煌郡公李基字幼和遠子宣武宣政元年謚孝

右二軍總管贈使持節柱國大將軍同華等五州刺史廣

城郡公段永字永賓其先遼西石城人天和四年謚基

大將軍西寧州刺史贈四州刺史瑯琊公司馬裔字遵胤

河內溫人天和五年謚定兗州刺史贈豫州刺史司

馬偏字道遷裔子天和時謚惠

使持節成州諸軍事成州刺史贈大將軍揚州刺史劉志

弘農華陰人天和五年謚文

少師安豐郡公庫狄峙其先遼東人天和五年謚定

小宗伯博平縣侯申徽字世儀魏郡人天和時謚章

華州刺史贈少傅都督司豫洛相冀五州諸軍事司州刺

史鄭偉字子直滎陽開封人天和六年謚肅

柱國江陵副總管贈五州諸軍事冀州刺史徙爲郡公高

琳字季珉其先高句麗人天和六年謚襄

少保贈涇岐燕三州刺史三水縣侯韓褒字弘業其先潁

川潁陽人後家昌黎天和七年謚貞

左僕射兼侍中監著作領太子詹事贈大將軍大都督岐

宜寧幽四州諸軍事岐州刺史趙善字僧慶天水南安

人大統九年從戰芒山爲敵所獲卒於東魏高祖建德初以子詞表請謚敬

中州刺史贈大將軍武都郡公賀若敦河南洛陽人爲晉公護所殺建德初追謚烈

大將軍贈四州諸軍事鄜州刺史彭城縣公令狐整字延保敦煌人建德二年謚襄

大將軍贈金州總管安康郡公李德哲字孝彥安康人建德三年謚莊武

使持節能和忠三州崇德等十三防諸軍事大將軍贈鄜延等五州刺史安平縣公崔說博陵安平人建德四年

謚莊

崔說本名士約  
易姓字文名說

隨州刺史贈交渭二州刺史長樂縣子皇甫璠字景瑜安  
定三水人建德時謚恭

荊州刺史總管十七州諸軍事贈河渭鄯三州刺史千金  
郡公權景宜字暉遠天水顯親人高祖武帝時謚恭

陝州總管府長史襄城縣伯梁昕字元明安定烏氏人武  
帝時謚貞 計部下大夫開府儀同三司贈涇寧幽三  
州刺史朝那縣伯梁榮昕弟謚靜

汾州刺史贈使持節大將軍譙唐復三州刺史臨貞公楊  
敷字文衍弘農華陰人在州爲齊將段孝先所擒以憂  
卒武帝時以子素陳請謚忠壯

少司空贈鄭梁北豫三州刺史鄭道邕字孝穆一名孝穆



字道和棨陽開封人武帝時謚貞隋改謚文

少傅蔡陽郡公蕭撫字智遐蘭陵人梁武弟之子武帝時謚襄

基州刺史贈大將軍文城郡公薛端字仁直河東汾陰人謚質 武威少府贈三司刺史博平縣公薛善字仲良端族曾孫武帝以善告齊執事謚謬

小宗伯贈柱國大將軍長孫紹遠字士師代人武帝時謚獻 玉壁總管贈柱國義門郡公長孫澄字士亮紹遠弟謚簡

大司空涇州總管贈太尉上庸郡公陸騰字顯聖代人宣政元年謚定

贈柱國太保都督徐充等十州諸軍事徐州刺史隋國公  
楊烈弘農華陰人卽隋高祖之曾祖靜帝時謚康 贈  
柱國太傅都督陝蒲等十三州諸軍事同州刺史隋國  
公楊禕卽隋高祖之祖靜帝時謚獻

徐充等十一州五鎮諸軍事徐州總管行軍元帥贈太傅  
十二州諸軍事雍州牧韋孝寬字叔裕京兆杜陵人魏  
右將軍旭之子靜帝時謚襄 驃騎大將軍開府儀同  
三司納言京兆尹贈柱國五州刺史追封河南郡公韋  
總字善會孝寬子武帝時東征戰歿謚貞

上柱國涇州總管贈七州諸軍事河州刺史追封鄂國公  
王傑金城人靜帝大象元年謚威

江陵總管魯陽郡公陽雄字元略上洛邑陽人大象元年  
謚懷

驃騎大將軍開府儀同三司隋贈禮部尚書武陽公高賓  
渤海脩人隋開皇時以子穎佐命功謚簡

御伯中大夫贈虞絳二州刺史昌國縣伯趙玘天水西人  
謚貞

太僕衛尉卿汾北華瀛三州刺史驃騎大將軍開府儀同  
三司永富縣公竇善扶風平陵人謚忠

司宗中大夫兼內史贈少宗伯唐瑾字附璘姑臧人謚方  
驃騎大將軍開府儀同三司浙州刺史贈虞州刺史郃陽  
伯薛寘河東汾陰人謚理

渠州刺史贈忠沂涿三州刺史浮陽郡公趙剛字僧慶河  
南洛陽人謚成

驃騎大將軍開府儀同三司贈大將軍平州刺史肥城公  
侯植字仁幹其先上谷人謚節

軍司馬平陽縣伯李彥字彥士梁郡下邑人謚敬

隋帝后太子謚

太祖武元皇帝弘農華陰人姓楊名忠仕周爲涇州總管  
封陳留郡開國公薨謚桓公開皇元年追謚爲武元皇  
帝 呂皇后字苦桃開皇元年追謚元明

高祖文皇帝名堅武元子仕周位相國封隋王大定元年  
受周禪仁壽四年爲子廣所弑謚文 獨孤皇后名伽

羅河南洛陽人周大司馬衛公信之女仁壽二年崩諡獻

煬皇帝名廣文皇第二子仁壽四年弑父自立大業十三年被弑江都諡煬 蕭皇后後梁明帝歸之女煬帝敗沒於寶建德後義成公主在突厥遣使相迎又入虜廷貞觀四年歸二十一年崩葬煬帝陵諡愍

恭帝名侑元德太子之子大業十三年卽位改元義寧二年遜於唐封爲鄴國公武德二年崩諡恭

煬帝太子昭大業二年諡元德子侗立追尊爲孝成皇帝  
隋宗室諡

義成公處綱文帝族父卒於秦州總管諡恭

蔡王整文帝次弟受禪後追謚景

滕王瓚字恒生文帝弟開皇十一年以鳩薨謚穆

道王嵩文帝弟受禪後追謚宣 嵩嗣子靜本滕穆王子

謚悼

衛王爽字師仁文帝弟文帝時謚昭

秦王俊文帝子謚孝

隋諸臣謚

上柱國大左輔贈燕國公于寔字賓實河南洛陽人其先代人後周常山公謹之子文帝開皇元年謚安 太尉贈六州諸軍事蒲州刺史于翼字文若寔弟開皇三年謚穆 熊州刺史黎陽郡公于璽字伯符翼子謚靜

上柱國漳州總管贈豫州刺史于義字慈恭翼弟謚剛

上柱國大將軍贈司徒李和朔方人開皇二年謚肅

周上柱國太安郡公隋贈司空七州諸軍事荊州刺史閻

慶字仁度河陰人開皇二年謚成

上柱國隴西郡公李詢字孝詢隴西成紀人開皇初謚襄

太師申國公李穆字顯慶詢從父開皇六年謚明

幽州總管廣宗縣公李崇字永隆詢弟開皇初與突厥

戰歿于陣謚壯

大將軍曹州刺史柳裘字茂和河東解人開皇初謚安

廣州總管贈上柱國襄陽郡公韋洸字世穆京兆杜陵人

開皇初與番禺夷戰陣歿謚敬 荊州總管贈大將軍

上庸郡公韋世康洸弟開皇時謚文 營州總管魏興

郡公韋藝字世文洸弟文帝時謚懷

汴州刺史并陘侯韋師字公穎京兆杜陵人文帝時謚定  
冀州刺史贈大將軍青州刺史建安郡公柳機字匡時河  
東解人文帝時謚簡

贈上柱國太尉八州諸軍事青州刺史齊郡公呂雙周文  
帝外祖其族微不知何許人開皇初追謚敬

贈使持節太尉上柱國六州諸軍事定州刺史越國公獨  
孤庫雲中人開皇初追謚恭 使持節柱國贈太師上

柱國十州諸軍事冀州刺史趙國公獨孤信庫之子開  
皇初追謚景



上柱國左武衛大將軍蜀國公獨孤羅字羅仁雲中人獨孤后異母兄大業初謚恭

大將軍汲郡公崔猷字宜猷博陵安平人開皇四年謚明太傅贈八州諸軍事冀州刺史樂陵縣公竇熾字光成扶風平陵人開皇四年謚恭定州總管贈襄陽等六州刺史竇毅字天武熾兄子開皇二年謚肅

故魏大學博士鎮遠將軍隋贈定州刺史安平公李敬族博陵安平人開皇五年以子德林貴追謚孝懷州刺史贈大將軍廉州刺史安平郡公李德林字公輔開皇時謚文

右武衛大將軍贈冀州刺史陳國公竇榮定扶風平陵人

開皇六年謚懿

衛州刺史元亨一名孝才字德良故魏宗室開皇八年謚宣

上柱國夏州總管楚國公豆盧勣字定東昌黎徒河人開皇十年謚襄漢王府主簿儀同三司贈大將軍正義縣公豆盧毓字道生勣次子爲漢王諒所害大業初謚愍洪州總管南陳郡公豆盧通字平東勣弟文帝時謚安

上柱國岐州刺史沛國公鄭譯字正義黎陽開封人開皇十一年謚達

洛州刺史辛彥之龍西狄道人開皇十一年謚宣

相州刺史贈亳州刺史樊叔略陳留人開皇十四年暴卒  
謚襄

左光祿大夫東都留守贈開府儀同三司濟公樊子蓋字  
華宗廬江人開皇中謚景

上柱國益州總管蔣國公梁睿字持德安定烏氏人周東  
雍州刺史禦之子開皇十六年謚襄

晉王府長史贈大將軍安成郡公袁憲字德章陳郡陽夏  
人陳僕射樞之弟開皇十八年謚簡

信州總管義陽郡公皇甫績字功明安定朝那人開皇時  
謚安

柱國廷州總管贈上柱國平昌郡公王慶字興慶太原祁

人開皇時謚壯

行軍總管長廣郡公杜整字皇育京兆杜陵人開皇時謚  
襄

鎮南大將軍廣州都督贈上開府儀同三司歸仁縣公王  
猛本名勇字世雄瑯琊臨沂人文帝仁壽元年謚成

潭州總管文安縣子張齋字文懿清河東武城人仁壽中  
謚莊

周司城中大夫典國史虞鄉公隋贈滄州刺史張羨河間  
鄭人文帝時謚定

國子祭酒何妥字栖鳳西城人後家蜀之郫縣文帝時謚  
肅

吏部尚書襄陽公長孫平字處均其先代人文帝時謚康  
行軍總管贈上柱國冀州刺史王述字長述京兆霸城人  
文帝時謚莊

毛恒二州刺史滑國公韋壽字世齡京兆杜陵人周徐州  
總管孝寬之子文帝時謚定

左武衛大將軍贈司空觀國公田仁恭字長貴高平人文  
帝時謚敬

太子太傅岐國公斛斯徵字士亮廣牧富昌人魏太傅文  
宣公之子謚閭

初隋文爲大司馬有外姻喪徵就吊久而不出徵怒遂  
去隋文以此懷恨至是詔所司謚曰閭

相州刺史贈冀定瀛青四州刺史梁彥光字修芝安定烏氏人文帝時謚襄

魏州刺史元暉字叔平故魏宗室文帝時謚元

涇州刺史洵陽郡王元矩字孝矩故魏宗室謚簡

行軍總管贈梁州總管元景山字寶岳故魏宗室文帝時謚襄

原州總管比陽公龐晃字顯榆林人文帝時謚敬

柱國寧州刺史趙郡公李安字玄德隴西狄道人文帝時謚懷

蒲州刺史高都公楊尚希弘農人文帝時謚平

雲州總管贈懷魏等四州刺史鉅鹿郡公賀婁子幹字萬

壽代人文帝時謚懷

上柱國壽襄二州總管齊北郡公周搖字世安河南洛陽  
人文帝時謚恭

戶部尚書右光祿大夫正平郡公楊文思字溫仁弘農華  
陰人煬帝大業初謚定 荊州總管上明郡公楊紀字  
溫範文思弟謚恭

檢校左翊衛大將軍贈司徒襄國等十郡太守觀王楊雄  
弘農華陰人大業初謚德初雄卒有司請謚曰懿煬帝  
曰王道高雅俗德冠生靈乃謚曰德 右武衛將軍左  
光祿大夫贈吏部尚書始安侯楊達字士達雄弟煬帝  
時謚恭

淄州刺史公孫景茂字元蔚河間阜城人大業初謚康

石州刺史趙仲卿河南洛陽人周浮陽剛公子大業初謚肅

并州總管司馬贈柱國弘義公皇甫誕字玄慮安定三水人大業初漢王諒謀反抗節遇害謚明

右武衛大將軍贈柱國右翊衛大將軍義寧郡公周羅暉字公布九江潯陽人大業初謚壯

司徒楚公楊素字處道弘農華陰人大業二年謚景武東都居守攝左候衛將軍饒陽縣子長孫熾字仲光其先代人大業六年謚靜

上大將軍右光祿大夫奇章公牛弘字里仁安定鶉觚人



大業六年謚憲

光祿大夫贈左衛大將軍真定侯郭衍字彥文太原介休人  
大業七年謚襄

左候衛大將軍贈光祿大夫尚書右僕射北平公段文振  
北海期原人  
大業七年謚襄

右光祿大夫兼左翊衛將軍贈尚書右僕射光祿大夫儀  
隴縣侯元壽字長壽河南洛陽人  
大業七年謚景

金紫光祿大夫安平郡公宇文愷字安樂其先昌黎大棘  
人徙居夏州  
大業中謚康

右領軍大將軍贈大將軍安陽縣公崔彭字子彭博陵安  
平人  
大業時謚肅

南海太守昇平郡公侯莫陳穎字遵道代郡武川人周大司徒崇之子大業時謚定

長平大守汝陽郡公獨孤楷字修則不知何許人本姓李氏大業時謚恭

右屯衛大將軍贈光祿大夫武安侯張定和字處謚京兆萬年人大業時謚壯武

右光祿大夫贈武衛大將軍譙郡公周法尚字道邁汝南安城人大業末謚僖

右候衛大將軍贈兵部尚書蒲城郡公郭榮字長榮太原人大業末謚恭

秘書監贈大將軍漢南縣公柳晉字顧言河東人大業時

從幸揚州卒謚康

左屯衛大將軍贈光祿大夫宿國公麥鉄杖始興人大業時遼東之役戰而死謚武烈

虎賁郎將贈左光祿大夫右屯衛將軍武彊侯錢士雄與麥武烈同死謚剛

右衛大將軍開府儀同三司贈司徒尚書令十郡太守許國公宇文述字伯通代郡武川人大業時謚恭

朝請大夫尚書兵部郎贈柱國戶部尚書黎陽郡公馮慈明字無佚信都人大業十三年爲賊黨翟讓所害越王侗謚莊武

右屯衛將軍獨孤盛本姓李仕周賜今姓不知何許人字

文化及之亂爲亂兵所害越王承制贈光祿大夫紀國公謚武節

通議大夫給事郎贈光祿大夫高陽縣公許善心字務本高陽北新城人謚文節

善心在陳朝對策高第陳亡號泣盡哀後仕隋爲宇文化及所殺越王承制贈官加謚

上柱國荊州總管三十六州諸軍事成安郡公達奚長孺字富仁代人謚威

左光祿大夫贈驃騎大將軍光祿勳齊州刺史清泉侯李彬謚獻

千乘縣尹蕭琅謚信公

續文獻通考卷之一百四十二終

續文獻通考卷之一百四十三

皇明進士雲間王圻纂輯

謚法考 唐帝后太子謚

獻祖隴西成紀人姓李氏名熙魏弘農太守重耳之子仕  
爲金門鎮將武德元年追謚爲宣簡公高宗上元元年  
尊爲宣皇帝玄宗開元十一年號曰獻祖 妣張氏謚  
宣莊皇后

懿祖名天賜熙子仕魏爲僖王武德元年追謚懿王上元  
元年謚爲光皇帝開元十一年號爲懿祖 妣賈氏謚  
光懿皇后

烈祖名虎天賜子仕周封唐公薨謚襄公隋恭帝義寧元

年謚爲景王武德元年謚爲景皇帝廟號太祖 妣梁氏謚景烈皇后

世祖名昺景皇子仕隋襲封唐公薨謚仁公武德元年追謚元皇帝廟號世祖 妣獨孤氏謚元貞皇后

高祖名淵字叔德元皇子以隋義寧二年受禪武德元年崩謚太武上元元年改謚神堯天寶十三載增謚大聖大光孝皇帝廟號太祖 竇皇后京兆平陵人父毅仕周爲上柱國尚武帝姊襄陽公主生皇后早崩義寧元年謚穆妃武德元年謚穆皇后上元中增謚太穆神皇后天寶八載增謚太穆順聖皇后

太宗名世民高祖第二子武德九年誅建成立爲皇太子

未幾內禪貞觀二十三年崩謚文上元元年改謚文武  
聖皇帝天寶八載增謚文武大聖大廣孝皇帝廟號太  
宗 長孫皇后河南洛陽人父晟仕隋爲右驍騎將軍  
后極賢貞觀十年崩謚文德上元中益謚文德聖皇后  
天寶八載增謚文德順聖皇后

高宗名治字爲善太宗第九子貞觀二十三年卽位弘道  
元年崩謚天皇帝天寶八載改謚天皇帝大聖十三載  
增謚天皇帝大弘孝皇帝廟號高宗 武皇后并州  
汾水人父士護母楊氏后崩於神龍元年謚則天大聖  
天寶八載改謚則天順聖皇后

中宗名顯高宗第七子弘道元年卽位嗣聖元年廢爲太



子神龍元年復位景隆四年爲常后所毒崩謚孝和天寶十三年加謚大和大聖大昭孝皇帝廟號中宗 趙皇后京兆長安人父瓌尚高祖女長樂公主生后后爲武后幽死神龍元年追謚恭天寶八載增謚和思順聖皇后 昭容上官氏名婉兒父庭芝母鄭氏昭容有文才黨于常后常后之敗斬闕下景雲中追謚文惠

睿宗名旦高宗第八子以相王迎卽位先天元年傳位太子開元四年崩謚大聖真皇帝天寶十三載增謚玄真大聖大興孝皇帝廟號睿宗 劉皇后爲武氏所殺景雲元年追謚肅明 寶皇后父孝湛帝爲相王納爲孺人生玄宗薨景雲元年追謚昭成天寶八載與劉皇后

俱加謚順聖

初太常加謚竇后曰大昭成或言法宜引聖真冠謚而曰大昭成非也以單言配之應曰聖昭若魯成以復言配之應曰大聖昭成聖真昭成又引恭穆皇后始謚穆及高祖崩合帝謚曰恭穆追增恭穆神皇后文德皇后始謚文德及太宗崩合謚文德順聖皇后又援范曄著漢光烈等爲比太常謂曄以帝號標后謚是史家記事體婦非必與夫同也入廟稱后曄夫在朝稱太繁子文母生號也文王既沒謚也周公豈以婦從夫乎漢法不可爲據制曰可天寶八載詔自恭穆而下天皇后並增上順聖二字云

玄宗名隆基睿宗第三子先天元年卽位天寶十五載傳  
位太子後七年崩謚至道大聖大明孝皇帝廟號玄宗  
武皇后父攸止封恒安王后初爲惠妃有寵幾欲爲  
后以諫而止開元時薨贈皇后謚貞順 楊皇后華州  
華陰人父知慶位太尉后初爲貴嬪生肅宗薨至德二  
載謚元獻皇后 麗妃趙以倡幸開元十四年卒謚和  
肅宗名亨玄宗第三子天寶十五載卽位靈武寶應元年  
崩謚文明武德大宣孝皇帝廟號肅宗 吳皇后濮州  
濮陽人父令珪后幼入掖庭以選入太子宫生代宗年  
十八薨代宗卽位追尊爲皇后謚章敬

代宗名俶肅宗長子寶應元年卽位大曆十四年崩謚睿

文孝武皇帝廟號代宗 獨孤后不知何所人父顏左  
威衛錄事參軍后初爲貴嬪大曆十年薨追號爲皇后  
謚貞懿 沈皇后吳興人開元末以良家子入東宮遂  
以賜廣平王生德宗遭祿山之亂失后所在元和初追  
尊爲太皇太后謚睿真

德宗名适代宗長子大曆十四年卽位貞元二十一年崩  
謚神武聖文皇帝廟號德宗 王皇后本仕族女帝爲  
魯王時納爲貴嬪生順宗貞元三年將冊爲后崩乃謚  
昭德皇后

順宗名誦德宗長子貞元二十一年卽位元和元年崩謚  
至德大聖大安孝皇帝大中三年加謚至德弘道大聖

大安孝皇帝廟號順宗 王皇后瑯琊人帝在東宮冊  
爲良姊將立爲后會帝病棘而止后性仁順宮中化其  
德生憲宗元和十一年崩謚莊憲皇后

憲宗名純順宗長子永貞元年受內禪元和十五年崩謚  
聖神章武孝皇帝大和三年加謚昭文章武大聖至仁  
孝皇帝廟號順宗 郭皇后汾陽忠武王之孫女父曖  
母昇平公主元和元年冊爲貴妃生穆宗穆宗立尊爲  
皇太后宣宗之母孝明皇后故后侍兒有暴怨后因暴  
崩謚懿安 鄭皇后丹陽人初爲李錡侍人李錡反沒  
入掖庭侍懿安帝幸之生宣宗宣宗立尊爲皇太后咸  
通六年崩謚孝明

穆宗名恒憲宗第三子元和十五年卽位長慶四年崩謚  
睿聖文惠孝皇帝廟號穆宗 王皇后越州人本仕家  
子幼侍帝東宮生敬宗敬宗立尊爲皇太后會昌五年  
崩謚恭僖 蕭皇后閩人帝爲建安王后得侍生文帝  
文帝立尊爲皇太后大中元年崩謚貞獻 帝皇后失  
其先世帝爲太子后得侍生武宗長慶時冊爲妃薨武  
宗立追尊爲皇太后謚宣穆

敬宗名湛穆宗長子長慶四年卽位寶曆二年崩謚睿武  
昭愍孝皇帝廟號敬宗 郭貴妃無謚

文帝名昂穆宗第二子寶曆二年卽位開成五年崩謚元  
聖昭獻孝皇帝廟號文宗 楊王二妃無謚

武宗名炎穆宗第五子開成五年卽位會昌六年崩謚至道昭肅孝皇帝廟號武宗 王賢妃無謚

宣宗名忱憲宗第十三子會昌六年卽位大中十三年崩謚元聖至明成武獻文睿智章仁神聰懿道大孝皇帝廟號宣宗 趙皇后不詳其世初爲美人生懿宗大中中薨追冊爲皇太后謚元昭

懿宗名漑宣宗長子大中十三年卽位咸通十四年崩謚昭聖恭惠孝皇帝廟號懿宗 王皇后未詳其世咸通中爲貴妃生僖宗七年薨十四年追尊爲皇太后諡惠安

僖宗名儇懿宗第五子咸通十四年卽位文德元年崩謚

惠聖恭定孝皇帝廟號僖宗 王皇后其出三微咸通  
中得幸生昭宗僖昭宗立追號爲皇太后謚恭憲

昭宗名晔懿宗第七子文德元年卽位天祐元年爲朱全  
忠所弑謚聖穆景文孝皇帝廟號昭宗 何皇后爲朱  
全忠所害無謚

初昭宗時蘇循子楷因覆試不舉有憾于帝及帝被弑  
政出于梁楷與張廷範等相結因謂廷範曰夫謚者所  
以易名而責實也前有司謚先帝曰昭名實不稱公爲  
太常予史官也不可以不言乃上疏駁議廷範議曰臣  
聞執事堅固之謂恭亂而不損之謂靈武而不遂之謂  
莊在國逢難之謂閔因事有功之謂襄 請改謚昭宗



皇帝曰恭靈莊閔皇帝廟號襄宗及唐明宗時大臣欲  
即上殿諡之罪以憂死

哀宗名昀昭宗第九子天祐元年卽位四年爲朱全忠所  
篡降封濟陰王梁開平二年遇弑諡哀後唐明宗追諡  
昭宣光烈孝皇帝廟號景宗

太子建成高祖子貞觀時諡隱

太子承乾太宗子開元中諡愍

太子弘高宗子中宗時諡孝敬皇帝 妃裴氏諡哀皇后

太子重俊中宗子睿宗時諡節愍

時中書舍人韋承日王者發號施令必法天道善善者  
惡惡明也賞罰所不加則考行立諡以褒貶之臣議其

君子議其父曰靈曰厲者不敢以私廢公也臣伏覩故太子與多祚等擁北軍犯宸居破扉斬關兵指黃屋騎騰紫微先帝御玄武門親諭順逆太子據鞍自若督眾不止逆黨悔非回兵執賊多祚伏誅太子乃遁去明日帝見群臣淚數行下曰幾不與公等相見其爲危甚矣昔漢成帝爲太子行不敢絕馳道推此則太子稱兵宮中爲悖已甚以斬三思父子而嘉之平則弄兵討逆以安君父可也因欲自立則是爲逆又豈可褒此時常氏逆未著義未絕于太子母也子無廢母之理以中宗命廢之則又劫父廢母且君或不君臣安可不臣父或不父子安可不子晉太子申生謚曰恭衛太子據謚曰戾

今太子乃謚節愍臣所未諭帝懼然稱允而大臣重改竟不從

太子寧憲宗子貞元中謚惠昭

太子永文宗子文宗時謚莊恪

唐宗室謚

劍南節度按察使贈戶部尚書潯懿祖之裔開元中謚成

濬子太子少傅贈太子太傅褒國公麟乾元初謚德

蔡王蔚烈祖子周朔方總管武德中封王謚烈 蔚子西

平王安武德中謚懷 蔚子河間王孝恭貞觀中謚元

鄭王亮烈祖子隋海州刺史武德中封王謚孝 亮子襄

邑王神符永徽中謚恭 亮曾孫鄭滑節度使檢校尚

書右僕射贈司空復貞元中謚昭 神符孫太子賓客

贈太子太保模肅代間謚敬 神符五世孫彭原郡公

程武宗時謚繆

永安王孝基烈祖孫武德初謚壯

淮南王道玄烈祖孫武德初謚壯

長平王叔良烈祖孫武德中謚肅

隴西王博義世祖孫高宗時謚恭

渤海王奉慈博義弟高宗時謚敬

衛王玄霸高祖子武德中追謚懷

巢王元吉高祖子貞觀初追謚刺

楚王智雲高祖子武德元年追謚哀

鄧王元亨高祖子貞觀中謚悼

徐王元禮高祖子高宗時謚康

彭王元則高祖子貞觀中謚思

鄆王元懿高祖子高宗時謚惠 懿五世孫汧國公勉德

宗時謚貞簡

號王鳳高祖子謚莊

道王元慶高祖子高宗時謚孝

鄧王元裕高祖子謚康

江王元祥高祖子謚安

密王元曉高祖子貞觀中謚貞

濮王泰太宗子高宗時謚恭

蜀王愔太宗子咸亨初謚悼

瑯琊王冲太宗孫謚敬

父貞討武氏不克與冲俱死削爵開元四年復爵土有司議死不忘君宜謚敬從之

江王器太宗子謚殤

曹王皐明曾孫太宗玄孫憲宗時謚成

旅王孝高宗子神龍初追謚悼

贈皇太子賢高宗子睿宗初追謚章懷

贈皇太子重潤中宗子神德初追謚懿德

襄王重茂中宗子開元中謚殤帝

寧王憲睿宗長子開元中謚讓皇帝 妃元氏謚恭皇后

憲子蓬州長史贈太子太師瑒肅宗時謚宣

恒王贈太子撫膺宗子開元八年謚惠莊

鄭王贈太子範睿宗子開元十四年謚惠文

薛王贈太子業睿宗子開元二十二年謚惠宣

許昌郡王贈太子琮玄宗子天寶中謚靖德肅宗立進謚

奉天皇帝 妃竇氏謚恭應皇后

榮王贈太子琬玄宗子天寶末謚靖恭

夏王一玄宗子以母寵故名未免懷憂謚悼

懷王愍玄宗子甫睿謚思

盛王琦玄宗子廣德二年薨謚宣

汴王璿玄宗子開元二十四年薨謚哀

建寧主倓肅宗子天曆中謚承天皇帝以興信公主女張  
冥配謚恭順皇后

興王贈皇太子侶肅宗子上元元年謚恭懿

鄭王贈皇太子邈代宗子上元中謚昭靖

贈太子源順宗子貞元中謚文敬

源見愛於德宗嘗命爲  
子本傳列在德宗之系

今正  
之

漳王贈太子湊穆宗子開成中謚懷懿

晉王贈太子普敬宗子太和中謚悼懷

雍王贈太子渌宣宗子太中時謚靖懷

睦王贈太子倚懿宗子天復初追謚恭哀

唐公主謚



平陽公主高祖女適柴紹謚昭

安興公主睿宗女早卒謚昭懷

齊國公主代宗女適郭曖謚昭懿

趙國公主代宗女初適封武清再適田緒謚莊懿

韓國公主德宗女許嫁常宥未婚而薨謚貞穆

魏國公主德宗女適王士平謚憲穆

鄭國公主德宗女適張茂宗謚莊穆

燕國公主德宗女適回紇武義成功可汗謚襄穆

梁國公主順宗女適鄭何謚恭靖

梁國公主憲宗女適于季友謚惠康

鄭國公主憲宗女適帝讓謚溫儀

岐陽公主憲宗女適杜悰謚莊淑

齊國公主宣宗女適嚴和謚恭懷

許昌公主宣宗女適柳陟謚莊肅

衛國公主懿宗女適韋保衡謚文懿

壽安公主憲宗子絳王悟女適王元逵謚章惠

郇國公主女爲德宗太子妃謚惠

太子史不著其名惠是順宗耳

### 唐諸臣謚

驃騎將軍贈瀛州刺史平原公劉鳳翔人高祖時謚忠

莊

嘉州刺史安樂郡人贈洪州都督李思行趙州人助唐興

師謚義

右武衛大將軍贈左衛大將軍幽州總管永安縣人妻竇  
誼上邽人高祖時謚剛 夏州都督成紀縣侯姜協寶  
誼子謚威

絳州總管鄭公羅士信歷城人高祖時謚勇

綿州刺史贈工部尚書張道源邠人高祖時謚節

兵部侍郎華州刺史贈秦州刺史開化公趙慈景初與隋  
將充君素戰被執謚忠

吏部尚書贈陝東道大行臺右僕射司空鄖國公殷開山  
鄆人高祖時謚節

冠軍大將軍贈代州都督許洛仁并州人太宗時謚勇  
銀青光祿大夫荊州大都督長史薛大鼎汾陰人永徽中

謚恭

蒲州刺史高邑縣侯李素立高邑人高宗時謚平 太府

卿趙郡公李從遠素立孫中宗神龍中謚懿

始州刺史襄武郡公劉師立虞城人太宗時謚肅

眉州刺史贈武衛大將軍潭州大都督巢國公錢九隴長  
興人太宗時謚勇

右武衛大將軍贈荊州都督東萊公公孫武達櫟陽人太  
宗時謚莊

懷州刺史追封遂安公李安遠夏州人太宗時謚安

左光祿大夫贈尚書左僕射司空蔣國公屈突通長安人

貞觀中謚忠

鄜夏二州都督開府儀同三司贈司徒并州都督鄂國公尉遲敬德善陽人高宗時謚忠武

代州都督贈左驍騎大將軍荊州都督鄆國公張公謹繁水人貞觀中謚褒

右中護太子詹事贈秦州都督常琨萬年人高宗時謚貞鎮軍大將軍華州刺史贈荊州都督譙國公柴紹臨汾人太宗時謚褒

左驍騎大將軍新興縣公馬三寶柴紹家僮貞觀初謚忠秘書監弘文館學士顏師古臨沂人太宗時謚戴

太子賓客襄陽男羅珣會稽人謚夷

左武衛大將軍胡國公秦叔寶謚

失

光祿大夫特進贈開府儀同三司并州都督莒國公唐儉  
晉陽人顯慶中謚襄

鎮軍大將軍贈輔國大將軍揚州都督襄國公段志玄臨  
淄人貞觀中謚壯肅

前軍大總管贈開府儀同三司并州都督夔國公劉弘基  
池陽人貞觀中謚襄

洪州都督贈民部尚書邢國公劉政會邢城人貞觀中謚  
襄

戶部尚書贈幽州都督許圜師安陸人高宗時謚簡 隴  
山軍討擊副使贈蘄州刺史許欽寂圜師姪孫武后時  
謚忠

特進贈荊州總管譚國公丘和洛陽人貞觀中謚襄大將軍冀陝二州刺史贈荊州刺史天水郡公丘行恭和子高宗時謚襄

禮部侍郎贈尚書左僕射黎國公溫大雅并州和人太宗時謚孝尚書右僕射贈特進虞國公溫彥博大雅弟高宗時謚恭中書侍郎贈鴻臚卿清河郡公溫大有彥博弟武德中謚敬

太子少詹事贈尚書右僕射孫述博州武水人上元中謚文

益州大都督府長史贈禮部尚書皇甫無逸萬年人太宗時謚良

初謚孝王珪駁曰無逸入蜀不能與母俱留卒京師子道未足稱不可謂孝乃更謚良

隴州刺史贈岷州都督姜暮上邽人太宗時謚安行軍副總管贈左衛大將軍邕國公姜確暮子太宗時謚襄秦州刺史贈刑部尚書清河縣公崔善爲武城人太宗時謚忠

潞州刺史贈齊州刺史常山縣子李嗣真邢州栢人人武后時謚昭

歙州總管贈左驍衛大將軍越州都督宜春郡公王雄誕濟陰人太宗時謚忠

檢校特進西海道行軍大總管開府儀同三司贈司徒并



州都督衛國公李靖三原人太宗時謚景武

太子太師贈太尉揚州大都督舒國公李勣曹州離狐人

高宗時謚貞武

開府儀同三司同中書門下三品贈司徒并州都督許國

公高儉字士庶齊清河王後太宗時謚文獻

內史令贈同州刺史延安郡公竇威平陸人高祖時謚靜

檢校晉州總管贈左衛大將軍譙國公竇琮威弟儻

祖時謚敬左武侯大將軍贈司徒竇抗威從兄子高

祖時謚密通典作謚博民部尚書信都男竇靜抗子

太宗時謚肅光祿大夫贈工部尚書荊州刺史華國

公竇誕太宗時謚安將作大匠贈禮部尚書鄧國公

竇璡抗弟太宗時謚安 檢校左相贈光祿大夫幽州都督鉅鹿男竇德玄威從孫太宗時謚恭

司空贈太尉并州都督梁國公房玄齡臨淄人太宗時謚文昭

尚書右僕射贈開府儀同三司司空蔡國公杜如晦杜陵人太宗時謚成 檢校吏部尚書贈尚書右僕射安吉郡公杜淹如晦叔太宗時謚襄 尚書右僕射領河中忠武節度使贈太子太師襄陽郡公杜審權如晦六世孫懿宗時謚德

國子祭酒贈太常卿曲阜縣子孔穎達衡水人太宗時謚憲

秘書少監銀青光祿大夫贈太常卿蕭德言系出蘭陵高  
宗時謚博

大理卿常山郡公郎顗新樂人武德時謚平

特進知門下省事贈司空相州都督鄭國公魏徵曲城人  
太宗時謚文貞

禮部尚書贈吏部永寧郡公王珪郿人太宗時謚懿

少師贈開府儀同三司新昌縣公李綱脩人太宗時謚貞  
右衛大將軍兼太子右衛率工部尚書武陽公李大亮涇  
陽人太宗時謚懿

檢校吏部尚書贈尚書右僕射道國公戴胄安陽人太宗  
時謚忠 尚書右僕射贈開府儀同三司并州大都督

戴至德曾兄子儀鳳中謚恭

散騎常侍金紫光祿大夫贈禮部尚書張後胤崑山人永

徽中謚康

後胤乃太宗少時之師

東都留守張齊丘

後胤孫謚貞獻

禮部尚書贈戶部尚書漢東郡公陳叔達陳宣帝子太宗

時謚忠

叔達閨薄汗漫爲有司所劾謚曰繆久之改謚爲忠

洛州都督特進贈潭州都督觀國公楊恭仁隋觀王雄子

太宗時謚孝

太常卿贈吏部尚書并州都督安德郡

公楊師道恭仁弟太宗時謚懿

尚書右僕射密國公封倫字德藝脩人太宗時謚繆

德彞初謚曰明然素有爲建成意卒後事寢聞民部尚書唐倫等議倫寵極生前而罪暴身後所歷官不可盡奪請還贈改謚以懲僉壬有詔奪司空削實封改謚曰

民部尚書安邑公裴矩聞喜人太宗時謚敬

右衛太將軍贈左衛大將軍涼州都督鄧國公宇文士及  
長安人太宗時謚縱

士及始謚曰恭黃門侍郎劉洎曰士及居家侈肆不可謂恭乃改曰縱

宜州刺史贈幽州刺史鄭元璠榮澤人太宗時謚簡

吳王長史贈齊州都督武都郡公權萬紀萬年人太宗時

謚敏 太僕卿廬國公權弘壽萬紀族兄弟高祖時謚  
恭

工部尚書贈吏部尚書并州都督大安縣公閻讓字立德  
萬年人永徽中謚康 中書令博陵縣男閻立本讓弟  
咸亨中謚文貞

商州刺史贈司空荊州都督宋國公蕭瑀後梁明帝子太  
宗時謚貞褊

初太常謚曰肅太宗以其性忌改謚貞褊

中書令贈侍中廣州都督江陵縣子岑文本棘陽人太宗  
時謚憲

銀青光祿大夫弘文館學士贈禮部尚書永興公虞世南

餘姚人太宗時謚文惠

銀青光祿大夫洪廣二州都督謝叔方萬年人太宗時謚勤

宗正卿安平縣子李百藥安平人太宗時謚康 荊州大都督府長史李安期百藥子高宗時謚烈

散騎常侍贈太常卿陽翟縣侯褚亮錢塘人太宗時謚康  
散騎常侍贈太常卿豐城縣男姚思廉萬年人太宗時謚康  
康 地官尚書贈越州都督姚壽思廉孫武后謚成

魏州刺史張知泰方城人中宗時謚定

金紫光祿大夫彭城縣公令狐德棻華原人高宗時謚憲  
左光祿大夫太子太師幽州都督燕國公于志寧高陵人

高宗時謚定 工部尚書贈尚書左僕射東海郡公于休烈志寧曾孫代宗時謚元

光祿大夫侍中兼太子少保贈開府儀同三司荊州都督蔣縣公高馮字季輔修人高宗時謚憲

尚書左僕射太子少傅贈開府儀同三司并州都督北平縣公張行成義豐人高宗時謚定

杞州刺史平原郡公長孫敞無忌從叔太宗時謚良 澤州刺史贈荊州都督薛國公長孫順德無忌從叔太宗時謚襄 陝州刺史贈吏部尚書樂壽縣男長孫操無忌從弟高宗時謚安

禮部尚書贈開府儀同三司揚州大都督高陽縣男許敬



宗杭州新城人高宗時謚恭

太常博士袁思古議敬宗棄子于荒徼嫁女于蠻落宜謚謬其孫彥伯訴思古有嫖詔更議博士王福時曰何曾忠而孝以日食萬錢謚謬醜况敬宗忠孝兩棄飲食男女之累過之執不改有詔尚書省雜議更謚曰恭

中書令贈幽州大都督崔知溫鄆陵人永隆中謚忠

右散騎常侍贈越州都督高智周晉陵人高宗時謚定

國子祭酒兼弘文館學士趙弘智河南新安人高宗時謚宣

太子少師同中書門下三品贈開府儀同三司并州大都督固安縣公崔敦禮由博陵徙咸陽高宗時謚昭

趙州刺史平昌子高敬京兆萬年人武后時謚節

贈太師雍州牧益州大都督鄧王帝玄貞中宗時謚文獻  
太府卿贈蘭州都督清河郡公楊弘禮隋楊素弟之子永  
徽中謚質 西臺侍郎同東西臺三品贈汴州刺史楊  
弘武弘禮弟高宗時謚恭 戶部尚書贈幽州都督楊  
纂弘禮族父太宗時謚恭

金紫光祿大夫贈幽州都督盧承慶涿人高宗時謚定

金紫光祿大夫贈幽州都督廣平郡公劉祥道觀城人乾  
封中謚宣

同州刺史贈禮部尚書幽州都督彭城縣公劉德威彭城  
人永徽中謚襄 工部尚書檢校左衛大將軍彭城縣

公劉審禮德威子儀鳳中謚僖

揚州長史贈兗州刺史趙國公李敬玄譙人高宗時謚文憲

文昌左相同鳳閣鸞臺三品贈開府儀同三司并州大都督樂城縣男劉仁軌尉氏人開元中追謚文獻

光祿大夫贈原州都督裴仁基聞喜人高祖時謚忠金

牙道大總管贈幽州都督閻善縣公裴行儉仁基于高宗時謚獻侍中兼吏部尚書弘文館學士贈太師正平縣男裴光庭行儉子玄宗時謚忠憲

初博士孫婉以光庭在吏部用循資格非獎勸之義謚曰克平光庭與蕭嵩不合時以婉爲希嵩意玄宗聞之

持賜謚忠憲

度支郎中裴倩光庭子謚節

右衛將軍田仁會長安人永徽中謚威 殿中少監右金

吾衛將軍贈輔國大將軍原國公田歸道仁會子中宗

時謚烈

絳州刺史武昌縣子孔禎山陰人高宗時謚溫 衛州刺

史銀青光祿大夫梁郡公孔若思禎從姪開元中謚惠

禮部尚書贈吏部尚書許康佐文宗時謚懿

集賢院學士光祿大夫贈太子少保徐堅長興人玄宗時

謚文

邠王傳固安縣侯盧粲范陽人玄宗時謚景

檢校并州長史大總管贈幽州都督譙縣子婁師德原武人聖曆三年謚貞

蒲州刺史贈幽州都督清丘縣公崔義玄武城人高宗時謚貞

尚書左僕射同中書門下三品贈特進并州大都督鄭國公楊再思原武人武后時謚恭

右衛大將軍贈輔國大將軍并州都督畢國公阿史那杜余突厥處羅可汗次子永徽中謚元

右驍衛大將軍贈鎮軍大將軍薛國公阿史那忠突厥左賢王忠宿衛四十八年無纖隙人比金日磾高宗時謚貞

歸州刺史贈勝州都督駙馬都尉安國公執失思力突厥  
酋長高宗時謚景

鎮軍大將軍贈輔國大將軍并州都督涼國公契苾何力  
鐵勒部人高宗時謚毅 左鷹揚衛大將軍贈涼州刺  
史漁陽縣公契苾明何力子武后時謚靖

右衛大將軍贈并州大都督汴國公泉男生高麗蓋蘇文  
子高宗時謚襄

左驍衛大將軍朔方副大使酒泉郡公贈撥川郡王論弓  
仁吐蕃族玄宗時謚忠

西南道節度使贈尚書左僕射忠義郡王裴玢疏勒部人  
元和中謚節

金紫光祿大夫皖城郡公張儉新豐人永徽中謚密 左  
衛大將軍贈荊州刺史范陽郡公張延師儉弟謚敬

隋州刺史開府儀同三司王裕并州祁人謚文 散騎常  
侍贈戶部尚書王瑁裕曾孫玄宗時謚孝

涼州安集大使贈左驍騎大將軍幽州都督臨清縣公蘇  
烈冀州武邑人乾封中謚莊

朔方行軍大總管贈太常卿平陽郡公薛訥龍門人仁貴  
子開元中謚昭定

朔方道總管贈右衛大將軍東平郡公程名振洛州平恩  
人太宗時謚烈

特進朔方行軍大總管贈荊州大都督宋國公唐瑋京兆

始平人延和元年謚忠

戶部尚書朔方軍節度使贈尚書左丞相中山郡公王駿  
洛陽人三宗時謚忠烈

檢校岐州刺史贈禮部尚書幽州都督壽陵縣男柳亨蒲  
州解人太宗時謚恭

東京留守判官贈禮部侍郎蔣清萊州膠水人文宗時追  
謚忠

清與李愬同死祿山之亂以秩卑不及謚太和中吏部  
郎中王高言之朝故及

司僕少卿贈越州都督徐有功文遠孫會昌中追謚忠正  
侍中兼太子賓客贈幽州都督張文瓘貝州武城人玄宗



時謚懿

國子司業贈衛州刺史清河縣子崔融齊州全節人中宗  
時謚文 中書舍人贈定州刺史崔禹錫融子開元中  
謚貞 禮部尚書贈荊州大都督崔翹融子開元中謚  
成 檢校尚書左僕射淮南節度副大使崔從融曾孫  
太和六年謚貞 太子太保分司東京贈司空崔慎由  
從子咸通中謚貞 太子太傅贈太子太師崔安潛從  
子僖宗時謚貞孝

禮部尚書左衛大將軍贈特進并州都督芮國公豆盧寬  
雍州萬年人貞觀中謚定 開府儀同三司檢校安國  
相王府長史贈司空并州大都督豆盧欽望寬子中宗

時謚元

懿瑩侍郎同鳳閣鸞臺平章事贈司空梁公狄仁傑并州  
太原人聖曆中謚文惠

廬州刺史贈秘書監朱敬則亳州永城人睿宗時追謚元  
右驍衛大將軍贈兵部尚書代國公安金藏長安人大曆  
中追謚忠

左庶子贈吏部尚書石泉縣公王琳字方慶晉王導之裔  
徙咸陽長安二年謚貞 太子少師贈開府儀同三司  
王與方慶六世孫肅宗時謚簡懷

太子賓客彭城縣君贈太子少保劉知柔延祐子開元中  
謚文

秘書員外少監兼修國史贈禮部尚書扶陽縣子常承慶  
鄭州武陽人中宗時謚溫 陳州刺史贈兵部尚書常  
嗣立承慶弟開元中謚孝

太子少保贈尚書左丞充國公陸象先蘇州吳郡人開元  
中謚文貞 太子詹事廣平公陸餘慶象先從叔父開  
元中謚莊 太子少師贈尚書左僕射陸希聲象先四  
世從孫昭宗時謚文

文昌左相司鳳閣鸞臺三品贈益州大都督邢國公王及  
善洛州邯鄲人武后時謚貞

東都留守同中書門下三品贈侍中趙公李懷遠栢人  
神龍中謚成

中書令贈太尉益州大都督河東侯裴炎聞喜人厲宗時  
追謚忠

太子詹事贈工部尚書范陽男張廷珪濟源人開元中謚  
貞穆

太原尹贈幽州都督彭城公韋湊萬年人玄宗時謚文  
太子太師贈司徒國公韋見素湊子寶應初謚忠貞  
工部尚書東京留守贈揚州大都督南皮郡子韋虛心  
見素同宗叔謙子景龍中謚正

太子賓客長山伯韓思復京兆長安人玄宗時謚文

兵部侍郎贈戶部尚書裴潁絳州聞喜人穆宗時謚敬

刑部尚書贈黃門監中山八季又房子人開元中謚貞

侍中特進贈司徒燕國公桓彥範丹陽人睿宗時追謚忠烈

太子賓客魏公楊元琰閬鄉人開元中謚忠

侍中特進贈秦州都督平陽王敬暉絳州平陽人睿宗時追謚肅愍

中書令博陵王崔玄暉博陵安平人睿宗時謚文獻道  
州刺史贈太子太傅崔渙玄暉孫代宗時謚元太常  
卿贈吏部尚書常山公崔縱渙子貞元中謚忠

特進襄州刺史贈中書令濮陽王張柬之襄陽人景雲元  
年謚文貞

中書令特進南陽王表恕已滄洲東光人睿宗時追謚貞

烈

將作大匠開府儀同三司贈太尉益州大都督初國公王仁皎玄宗廢后父開元中謚昭宣

光祿卿駙馬都尉瑯琊公王同皎相州安陽人睿宗時謚

忠

同皎欲誅三思廢帝后見殺

禮部尚書贈荊州大

都督王丘同皎從子天寶中謚文

彬州刺史贈司徒徐國公劉幽求冀州武彊人開元中謚文獻

汝州刺史贈吏部尚書荊州大都督齊國公崔日用滑州靈昌人開元中謚昭潞州長史中山公崔日用從兄開元中謚襄

務州尉贈尚書左僕射尉州刺史齊公魏元忠宋州宋城人開元中謚貞

沔州別駕贈左僕射郇國公韋安石萬年人玄宗天寶中謚文貞吏部尚書贈尚書左僕射郇國公韋陟安石子永泰元年謚忠孝

太常博士程皎議謚忠孝顏真卿以爲許國養親不兩立不當合二行爲謚主客員外郎歸崇敬亦駁正之右僕射郭英文無學術卒用太常議云

國子祭酒贈兗州都督脩文館學士沛國公韋叔夏安石兄中宗時謚文刑部尚書贈太子少傅韋抗叔夏從父子玄宗時謚貞

尚書左僕射贈特進荊州大都督韋巨源睿宗時謚昭  
博士李處直謚巨源爲昭戶部員外郎李邕以巨源附  
武三思爲相託韋后親屬謚昭爲非處直執不改邕列  
陳其惡不見用然世皆直邕

朔方行軍大總管唐休璟始平人謚忠

秘書監贈潤州刺史常山縣公馬懷素丹徒人謚文

太子賓客弘文館學士禮部尚書元澹字行冲元魏後裔

開元中謚獻

秘書監贈禮部尚書陸堅洛陽人開元中謚懿

左散騎常侍兼國子祭酒贈禮部尚書舒國公褚無量諡

官人開元中謚文



紫微令開府儀同三司贈揚州大都督梁國公姚崇硤石人開元中謚文獻

尚書右丞相贈太尉廣平郡公宋璟南和人開元中謚文貞

太子少傅贈司空荊州大都督許國公蘇瓌武功人景雲中謚文貞 紫微侍郎同紫微黃門平章事右丞相許國公蘇頲瓌子開元中謚文憲

右丞相開府儀同三司贈太師燕國公張說洛陽人開元中謚文貞

時楊伯成駁有瑕玷不從

工部尚書贈幽州都督梁國公魏知古陸澤人開元中謚

忠

左監門大將軍應國公李粲萬年人高宗時謚明 殿中  
監同鳳閣鸞臺平章事贈秦州都督金城侯李道廣粲  
孫武后時謚成 太子詹事贈太子太傅清水縣男李  
紘道廣子開元中謚文忠

禮部尚書贈尚書右丞相魏縣侯杜暹漢陽人開元中謚  
貞孝

初謚貞肅劉同昇等以逆行忠孝謚有本盡其子又列  
訴乃更勅有司考定謚貞孝

門下侍郎贈太尉衛國公杜鴻漸濮州人大曆中謚文憲  
州長史贈荊州大都督始興縣伯張九齡曲江人開元

中謚文獻 秘書監贈禮部尚書曲江縣伯張仲方抗  
之子九齡從曾孫文宗時謚成

太子少師贈揚州大都督太子太師宜陽縣子韓休長安  
人開元中謚文忠 鎮海軍節度使加檢校左僕射同  
中書門下三品贈太傅鄭國公韓滉休子貞元中謚忠  
肅 東都留守贈太子太保韓皋況子長慶中謚貞

工部尚書定州刺史知平北軍事贈益州大都督河東侯  
張嘉貞蒲州猗氏人開元中謚恭肅 中書侍郎同中  
書門下平章事贈太保張延賞嘉貞子德宗時謚成肅  
江陵大都督長史贈禮部尚書源乾曜相州臨漳人天寶  
中謚懿

岐王府長史裴子餘絳州稷山人開元中謚孝

時程行謹謚貞中書令張說嘆曰裴程二謚可無媿矣  
尚書右僕射贈太子太傅趙城侯裴耀卿子餘弟大寶  
中謚文獻 國子祭酒工部尚書贈吏部尚書裴佖耀  
卿孫德宗時謚貞

檢校太子詹事贈兗州都督河內郡公蘇瓌藍田人中宗  
時謚文

工部尚書贈黃門監天水郡公尹思貞長安人開元中謚  
簡

太子詹事贈黃門監畢構偃師人玄宗時謚景 廣平太  
守畢炕構子謚忠

炕 相州府城隍廟其家

禮部尚書贈江陵大都督襄陽子唐豫襄陽人天寶中謚  
文

太子賓客贈戶部尚書齊抗義豐人德宗時謚成

太子賓客贈禮部尚書崔沔長安人開元中謚孝

吏部尚書贈益州大都督盧從愿臨潁人開元中謚文

御史大夫贈吏部尚書金城伯李朝隱三原人開元中謚

貞

太子賓客贈禮部尚書裴羅蘭高人開元中謚懿 江西

魏察使贈尚書右僕射裴貴誦從姪德宗時謚成

國子祭酒北平縣侯薛平洛陽人睿宗時謚敬

河北度支營田使兼營州都督贈工部尚書宋慶禮永平

人玄宗時謚敬

太常博士張星以慶禮好功自是謚曰專禮部員外郎  
張九齡申駁曰慶禮在邊三十年往城營州士纔數千  
無甲兵捍衛指期而往不失所慮遂罷海運收歲儲邊  
亭晏然其功可推不當醜謚慶禮兄子辭玉亦自請闕  
謚改謚曰敬

左散騎常侍贈戶部尚書楊瑒華陰人玄宗時謚貞

東都留守贈益州大都督清河郡公崔隱甫武城人玄宗  
時謚忠

太子賓客高邑伯李尚隱萬年人開元中謚貞

安州別駕贈工部尚書居巢侯劉知幾彭城人玄宗時追

謚文 吏部尚書贈陝州大都督劉滋知幾孫貞元中

謚貞 宣州刺史都團練觀察使贈吏部尚書劉賡知

幾孫德宗時謚敬

秘書監贈禮部尚書義興縣公蔣乂河南人憲宗時謚懿

幽州守贈大尉賈循華原人建中二年謚忠

禮部尚書東京留守酒泉縣侯李愬文水人肅宗時謚忠

懿諱諱山陽東京愬與子十人皆死

左武衛大將軍贈涼州都督介休縣公郭知運晉昌人永

泰初謚威

工部尚書同中書門下三品知門下事領河東節度副大

使左相贈尚書右丞相幽國公牛仙客涇州鶉觚人玄

宗時謚貞簡

尚書左僕射同中書門下平章事贈太尉西平王哥舒翰  
其先突騎施酋長天寶中謚武愍

東都留守贈禮部尚書盧奕懷慎少子肅宗時死于安祿  
山謚貞烈

滎陽太守贈禮部尚書崔無詖博陵人肅宗時死于安祿  
山謚毅勇

右龍武統軍贈揚州大都督張伯儀魏州人德宗時謚恭  
初伯儀卒請謚博士李吉甫以中興三十年而兵未戢  
者將帥養寇藩身也若以亡敗爲戒則總干戈者必圖  
萬全而不決戰若伯儀雖敗而其忠可錄遂謚曰恭



左羽林大將軍贈營州都督薊郡公李楷洛本契丹酋長  
入朝爲營州柳城人武后時謚忠烈 太尉河東節度  
使贈太保臨淮郡王李光弼楷洛子廣德中謚武穆  
臨清尉贈秘書少監權皋丹徒人元和中謚貞孝

尚父太尉中書令贈太師汾陽王郭子儀華州鄭人建中  
二年謚忠武

朱子綱目書法曰號官爵謚咸具前乎此未有也後乎  
此無有也終綱目千三百六十二年一人而已

太子詹事贈太子太傅代國公郭曜子儀子建中三年  
謚孝

驃騎大將軍號國公贈武威郡王李嗣業高陵人肅宗時

謚忠勇

檢校左僕射知省事贈司空扶風郡王馬璘扶風人大曆中謚武

山南西道副元帥兼節度使贈太保京國公李抱玉河西人大曆中謚昭武

左散騎常侍襄陽王路應三原人元和六年謚靖

宣歙觀察使贈左散騎常侍房式河南人憲宗時謚傾

吏部尚書崔乾度曰始式刺蜀州劉闢構難卽謂闢曰向夢公爲上相儀衛甚盛幸無相忘闢喜以爲祥後闢發兵署牒首曰闢副曰式參謀曰符載大節已虧不宜得謚博士李虞仲曰始闢反如式不能去又不能死可

謂求生害仁者也闕走西山召所疑畏者盡殺之式在其間會救得免而曰大節已虧近于溢言謚乃定

檢校左僕射知省事贈太子太師趙國公崔圓武城人大曆中謚昭襄

太保贈太師韓國公苗晉卿壺關人永泰初謚文貞

初謚懿獻元載未顯時爲晉卿所遇故諷有司改之

荊州刺史贈吏部尚書須昌縣伯呂諲河東人永泰中謚肅

嚴郢以諲故吏請謚有司博士獨孤及謚曰肅郢以故事宰相謚皆二名請謚曰忠肅及執奏謂謚在義美惡不在多名文王伐崇周公殺三監淮夷重耳一戰而霸

而謚曰文冀缺之恪窻俞之忠隨會不忘其君而謚曰武故知稱其大略其細也且二名謚非古也漢興蕭何張良霍去病霍光以文武大畧佐漢致太平一名不盡其美乃有文忠文成景桓宣成之謚唐興叅用漢制魏徵以王道佐時近文愛君忘身近貞二者並優廢一莫可故曰文貞蕭瑀端直近貞性多猜近褊言褊則失貞稱貞則遺褊故曰貞褊盖有爲爲之也若跡無異稱則易以一字故杜如晦曰成封德夔曰明王珪曰懿陳叔達曰忠溫彥博曰恭岑文本曰憲蕭巨源曰昭皆當時赫赫居宰相位不過一名而言故事宰相必以二名固所未聞宜如前謚遂不改

左散騎常侍信都縣伯賈至洛陽人大曆中謚文

太原尹南陽公鄧景山曹州人代宗時謚敬

中書侍郎同中書門下平章事贈司徒楊綰華陰人代宗時謚文簡

初太常謚綰曰文貞比部郎中蘇端險人也特異議宰相常袞陰助之代宗以其言醜險不實貶端巴州員外司馬賜綰謚曰文簡

太子太傅薊國公鮮于叔明閬中新政人德宗時謚襄

中書侍郎同中書門下平章事贈太傅崔祐甫博陵人德宗時謚文貞 戶部尚書贈太子少保崔俊祐甫從子穆宗時謚肅

右散騎常侍宜城伯柳渾襄州人代宗時謚貞

檢校尚書右僕射同中書門下平章事鎮海節度使贈太保路隋陽平人文宗時謚貞

左散騎常侍贈禮部尚書濮海縣侯高適滄州濮海人永泰中謚忠

太子少師贈揚州都督鄧國公高倫京兆人德宗時致仕卒年八十三謚肅

東都留守贈尚書右僕射王翊晉陽人貞元中謚肅山

南東道節度使贈戶部尚書王翊翊兄代宗時謚忠

宣歙池觀察使贈吏部尚書王凝翊曾孫僖宗時謚貞

涇原四鎮節度使贈尚書右僕射丹陽郡王朱忠亮浚儀

人憲宗時謚靈

檢校禮部尚書贈太子少保東海郡公徐申京兆人嘗從  
曹王高討李希烈卒謚平

忠武軍節度使贈尚書左僕射高平郡公鄒士美兗州金  
鄉人憲宗時謚景

昭義軍節度使贈尚書左僕射辛秘隴西人憲宗時謚肅  
後更謚懿

中書侍郎許昌縣子元載鳳翔岐山人興元元年謚荒後  
改謚成繼

尚書左僕射楊炎鳳翔天興人德宗時謚肅愍右丞孔綰  
駿之更謚平厲

御史大夫贈吏部尚書贊皇縣子李栖筠贊皇人代宗時  
謚文獻 中書侍郎同中書門下平章事贈司空趙國  
公李吉甫栖筠子謚忠懿

吉甫卒太常謚恭懿博士尉遲汾請謚敬憲集賢校理  
張仲方與吉甫有隙因上議曰古之謚考大節畧細行  
善善惡惡一言而足按吉甫雖多才多藝而則媚取容  
疊致台衮寡信易謀事無成功且兵凶器不可從我始  
至以伐罪則邀必成功今內有賊輔臣之盜外有懷毒  
蠱之臣師徒暴野農不得在畝婦不得在桑耗賦殫畜  
屍僵血流胔骸成岳毒痛之痛訴天無辜階禍之發實  
始吉甫又吉甫平易柔寬名不配行請俟蔡平然後



議之憲宗方用兵疾其言醜訐貶仲方遂州司馬更賜  
吉甫謚忠懿

太子少傅贈太子太保李邺邺從孫憲宗時謚肅 太子  
少師贈司徒李瑛邺孫昭宗時謚文

河東節度副大使司空贈太尉王思禮高麗人上元中謚  
武烈

檢校右僕射同中書門下平章事贈太尉金城郡王辛雲  
京蘭州金城人大曆中謚忠獻

昭義節度使檢校工部尚書贈尚書左僕射同昌郡王王  
虔休汝州梁人德宗時謚敬

檢校司空贈太師上谷郡王張孝忠奚種貞元中謚貞武

檢校太尉兼中書令贈太師延德郡王張茂昭孝忠子  
元和中謚獻武

檢校司徒同中書門下平章事兼侍中中書令魏博節度  
使田弘正北平盧龍人長慶元年謚忠愍 檢校工部  
尚書贈尚書右僕射魏博節度使田布弘正子穆宗時  
謚孝

刑部尚書判度支贈尚書右僕射蕭國公班宏衛州汲人  
謚敬

兵部尚書判戶部贈右僕射王紹萬年人順宗時謚敬  
尚書左僕射贈司徒李揆隴西人德宗時謚恭

中書侍郎同中書門下平章事贈太子太傅趙璟隴西人

德宗時謚貞憲

江西觀察使贈禮部尚書河間縣男齊映瀛州高陽人貞元中謚忠

檢校尚書左僕射同中書門下平章事宣武節度副大使知節度事贈太傅董晉虞鄉人貞元中謚恭惠

司空贈司徒趙宗儒鄧州穰人文宗時謚昭

檢校司空鳳翔節度使贈司徒晉陽郡公竇易直京兆始平人文宗時謚恭惠

檢校吏部尚書兼門下侍郎同平章事贈司徒臨淮郡公武元衡則天皇后族裔憲宗時謚忠愍

檢校司空山南西道節度使贈司徒趙郡公李絳贊皇人

文宗時謚貞

兵部侍郎贈禮部尚書劉廸伊闕人不從朱泚反不食卒  
德宗時謚貞惠

右丞同中書門下平章事贈兵部尚書宋申錫會昌二年  
謚貞

司農卿贈太尉段秀實汧陽人興元元年謚忠烈

尉衛卿兼御史中丞贈司徒顏杲卿臨沂人肅宗時謚忠  
節 太子太師贈司徒魯國公顏真卿杲卿弟德宗時  
謚文忠元文宗時謚正烈文忠

初博士裴郁以杲卿不執政但謚曰忠議者不平故以  
二字謚焉

朱子綱目書法曰書贈書謚重死節也故杲卿書謚忠節秀實書謚忠烈真卿書謚文忠皆死節者也綱目書贈官十二而書謚曰某者三人而已

太尉中書令贈太師西平王李晟臨潭人貞元中謚忠武

太子少保贈太尉涼公李愬晨子憲宗時謚武

時博士元從質所議尚書省以其與父同欲改之從質曰愬無他行以功定謚不可改也卒從之

司徒兼侍中贈太傅北平王馬燧郊城人貞元中謚壯武少府監贈工部尚書馬暢燧子順宗時謚縱初暢謚敬

檢校司徒兼中書令贈太師咸寧王渾瑊鉄勒部人貞元

中謚忠武

綱目斷曰唐書渾瑊與李晟同謚忠武通鑑於瑊獨不著謚何也夫瑊解奉天之圍晟收復京城且晟破賊時瑊亦進取咸陽其功固不相下瑊嘗謂晟秉義執志臨事不可奪雖知晟莫若瑊然瑊之秉義執志亦可知也盧尚結贊曰唐之名將李晟與渾瑊耳兩王名播戎狄俱謚忠武誠非虛美分註補書輝映史冊宜哉

檢校尚書左僕射鎮國軍節度使贈司空武康王李元諒  
安息人貞元中謚莊威

右龍武統軍韓游瓌靈武人貞元中謚襄

忠州別駕贈兵部尚書陸贄嘉興人順宗時謚宣

續文獻通考

卷之一百四十三

三十七

三百九十二

檢校司徒兼中書令贈太師南康郡王肅恭萬年人順宗時謚忠武

檢校尚書左僕射同中書門下平章事贈太保馮翊郡王嚴震益亭人貞元中謚忠穆

司從中書令贈太尉許國公韓弘匡城人憲宗時謚隱

左驍騎大將軍贈戶部尚書韓公武弘子憲宗時謚恭

檢校司空宣武節度使贈司徒韓克弘弟莊宗時謚肅

京兆尹兼戶部尚書贈尚書右僕射吳湊濮州人章敬皇

后弟貞元中謚成金吾衛大將軍贈太子太保吳淑

湊弟爲朱泚所害德宗時謚忠

工部尚書嚴濟美憲宗時謚溫

彭王傳贈太子少師會稽郡公徐浩越州人德宗時謚定  
左散騎常侍贈兵部尚書潘孟陽元和中謚康

門下侍郎同中書門下平章事兼戶部尚書贈司空崔元  
式博州人宣宗時謚莊

檢校戶部尚書山南西道節度使贈尚書右僕射韋綬萬  
年人穆宗時謚諱醜

工部尚書贈禮部尚書張薦深州陸澤人順宗時謚憲  
江西觀察使贈左散騎常侍王仲舒祁人穆宗時謚成  
尚書右僕射贈太子太保姚南仲下邳人元貞中謚貞  
常州刺史檢校司封郎中獨孤及洛陽人德宗時謚憲  
吏部尚書吳縣男顧少連吳人德宗時謚敬



太子少保贈尚書左僕射韋夏卿萬年人謚獻

東都留守贈太子少保許孟容長安人憲宗時謚憲

刑部尚書贈尚書右僕射李遜客居荊州長慶中謚貞

給事中御史大夫魏博宣慰使贈尚書左僕射孔巢父孔

于三十七世孫爲李懷光軍士所害德宗時謚忠禮

部尚書贈兵部尚書孔戣巢父子穆宗時謚貞

太常卿贈吏部尚書崔邠武城人憲宗時謚簡檢校禮

部尚書贈吏部尚書崔郾邠弟敬宗時謚德

兵部尚書贈太子太保柳公綽華原人太和中謚元

尚書左僕射贈司空弘農郡公楊於陵廣楊震之裔太和

中謚貞孝江州刺史贈尚書左僕射楊嗣復於陵子

宣宗時謚孝穆

戶部尚書贈右僕射馬總系出扶風穆宗時謚懿

兵部尚書贈尚書左僕射餘姚郡公歸崇敬吳人德宗時

謚宣 工部尚書贈太子少師長州縣男歸登崇敬子

憲宗時謚憲

太子賓客贈工部尚書武邑縣男崔倫安平人代宗時謚

敬 宣敬歛池觀察使贈工部尚書崔衍倫子元和元年

謚懿

左散騎常侍贈工部尚書河東郡公薛華寶鼎人憲宗時

謚宣

檢校工部尚書淮南節度使贈太子少傅衛次公河東人

憲宗時謚敬

江西觀察使薛戎寶鼎人穆宗時謚簡

宣歙觀察使贈左散騎常侍王質隋時通之裔武宗時謚  
定

檢校禮部尚書宣武節度使北海縣子贈尚書右僕射王  
彥威系出太原文宗時謚清

太子少師檢校司徒贈太保榮陽公鄭餘慶榮陽人穆宗  
時謚貞 山南西道節度使贈尚書左僕射鄭澣餘慶  
子文宗時謚宣太子太保鄭從謨澣子中和時謚文忠

太子太傅贈司空鄭絀餘慶從父文宗時謚宣

吏部尚書贈尚書左僕射鄭珣瑜榮澤人順宗時謚文獻

太常博士徐復謚珣瑜文獻兵部侍郎李異言文者經緯天地用二謚非春秋之正請更謚復謂二謚周漢以來有之威烈愼觀周也文成文終漢也况珣瑜名臣二謚不嫌異曰謚一正也堯舜是也二謚非古也法所不載詔從復議

尚書右僕射贈太子太保高郢衛州人順宗時謚貞

檢校吏部尚書山南西道節度使贈尚書左僕射權德輿  
天水畧陽人憲宗時謚文

檢校司空左僕射贈太傅賈耽滄州南皮人順宗時謚元  
靖

光祿大夫守太保贈太傅岐國公杜佑萬年人元和七年

謚安簡

山南西道節度使贈司空彭陽郡公令狐楚華原人開成

中謚文

戶部尚書贈太子太傅上柱國裴延齡河東人元和中謚  
謬

門下侍郎同中書門下平章事贈太子太傅崔損系本博  
陵貞元中謚靖

太常卿贈刑部尚書常牟萬年人貞元中謚忠

左僕射贈太尉太原郡公王播太原人後爲揚州人太和  
中謚敬 檢校司空贈太尉魏郡公王起播弟宣宗時  
謚文懿

工部侍郎同中書門下平章事領塩鐵使贈尚書左僕射  
程昇長安人憲宗時謚恭

檢校司空同中書門下平章事河中節度使贈司徒邠國  
公杜黃裳萬年人元和三年謚宣獻

太子詹事贈戶部尚書李藩趙州人憲宗時謚貞簡

吏部侍郎韋肇萬年人代宗時謚貞河南尹贈尚書右

僕射韋貫之學子穆宗時謚貞後謚文秘書監分司

東都贈戶部尚書韋渙貫之子懿宗時謚貞宣歙觀

察使贈工部尚書韋溫貫之從子武宗時謚孝

同中書門下平章事邠寧節度使贈司徒南平王高崇文

自渤海徙幽州憲宗時謚威武右金吾衛大將軍邠

系三傳三  
州節度使贈司空高承簡崇文子憲宗時謚敬

北庭副元帥檢校司徒贈太傅劉玄佐匡城人德宗時謚  
壯武

檢校右僕射兼右衛上將軍贈太子太保南兗郡王伊慎  
兗州人憲宗時謚壯繆

涇源節度使贈尚書右僕射東陽郡王朱忠亮浚儀人憲  
宗時謚靈

檢校尚書左僕射兼左龍武統軍贈潞州大都督彭城郡  
公劉昌裔曲陽人憲宗時謚威

太子太保贈太子太師范希朝虞鄉人憲宗時謚忠武改  
謚宣武

檢校司徒兼太子太傅河東節度使贈太尉王鐸太原人  
憲宗時謚醜

鄜坊節度使贈尚書右僕射王栖曜濮陽人貞元中謚成  
將作監河南節度使贈司徒濮陽郡公王茂元栖曜  
子憲宗時謚威

太子少保贈揚州大都督趙昌天水人憲宗時謚成  
太子賓客贈刑部尚書任廸簡萬年人憲宗時謚襄  
司徒河東節度使贈太尉李光顏河曲部人寶曆二年謚  
忠

司徒山南西道節度使贈太尉邠國公烏重胤張掖人文  
宗時謚懿穆



太子賓客贈太保于頔隋于謹七世孫謚思

頔初謚厲子季友尚憲宗女永昌公主拜駙馬都尉從  
穆宗獵苑中求改頔謚會徐泗節度使李愬亦爲請乃  
更謚曰思尚書右丞張正甫封還詔書右補闕高鉞博  
士王彥威持不可謂頔文吏偃疆犯命擅軍褻鄧欲脅  
制朝廷殺不辜留制遮囚使者僭正樂勢迫而朝非其  
宿心得全首領而沒猶以爲幸不宜更謚帝不從

工部尚書贈右僕射杜羔正倫五世孫憲宗時謚敬

檢校吏部尚書東都留守贈太子少傅杜亞京兆人貞元

中謚肅

中書令贈太師晉國公裴度聞喜人開成中謚文忠 檢

校尚書右僕射贈司空晉國公裴斌度子宣宗時謚賜  
司徒贈太尉涼國公李逢吉系出隴西文宗時謚成  
太子少師贈太尉牛僧孺隋牛弘之裔宣宗時謚文簡  
吏部侍郎贈禮部尚書韓愈南陽人長慶四年謚文  
刑部尚書馮翊縣侯白居易下邳人會昌中謚文

居易臨卒遺命薄葬毋請謚從弟敏中爲相請謚有司  
謚之曰文 太傅太原郡公白敏中咸通中謚醜  
敏中卒議謚博士曹鄴責其病不堅退且逐諫臣謚法  
怙威肆行曰醜遂以謚之

東川節度使贈吏部尚書長樂縣公馮宿東陽人文宗時  
謚懿

宿爲博士時王士真死于承宗阻命不得謚宿謂世勞不可遺乃上佳謚示不忘忠

左散騎常侍贈工部尚書馮定宿弟文宗時謚節

時太常博士李虞仲建言謚者所以表德徵惡春秋褒貶法也茅土爵祿殘廢流放皆緣一時非以明示百代然而後之所以知其行者皆繇是觀古者將葬必請謚今近或二三年遠或數十年然後請謚人沒已久風績湮歇採諸傳聞不可考信誅狀則在言與事浮虛請凡得謚者前葬一月請考功刺太常定議其不謚者請而過時者聽御史劾奏居京師不付還半替居外一替若善惡著而不請請考功察行謚之節行卓然雖無官及官

卑者在所以聞詔可

山南東道節度使李翱元魏李冲十世孫謚文

中書侍郎門下平章事贈司空高涼渤海人懿宗時謚刺  
太常博士曹瑛建言疎爲宰相交游醜雜進取多蹊徑  
謚法不思妄愛曰刺請謚爲刺從之

太子賓客敬晦河東人大中時謚肅

檢校右僕射平章事淮南節度使贈太尉趙國公李紳敬  
玄曾孫武宗時謚文肅

檢校尚書右僕射淮南節度使贈太尉贊皇男李珣趙郡  
人宣宗時謚貞穆

荆南節度使贈司空鄭肅滎陽人宣宗時謚文簡

太保贈太傅范陽郡公盧鈞系出范陽徙藍田懿宗時謚  
元

檢校司徒太子太保贈太傅鄭畋系出滎陽昭宗時謚文  
昭

吏部尚書右僕射贈司空瑯琊侯王徽京兆人大順元年  
謚貞

侍中檢校太尉贈太子太師王處存為年人昭宗時謚忠  
肅

騎士為景昭宗時誘李茂貞開城門而朱全忠敗之昭宗  
得返長安故賜謚忠壯

通傳節度使檢校司徒同中書門下平章事贈太傅何進

涓靈武人武宗時謚定

魏博節度使檢校太師侍中贈太師北平王羅弘信貴鄉人光化元年謚莊肅

恒州長史檢校太尉兼中書令贈太師瑯琊郡王王武俊契丹人初謚威烈貞元中更謚忠烈 恒冀節度使同中書門下平章事贈司徒清河郡公王士真武俊子元和中謚景襄

成德節度使檢校司徒同中書門下三品兼太傅贈太師太原郡公主元逵回紇人廷奏子武宗時謚忠 成德節度使檢校太傅贈太傅王景崇元逵孫懿宗時謚忠穆

幽州節度副大使贈兵部尚書彭城郡公劉忬平昌人憲  
宗時謚恭 幽州節度副使檢校尚書左僕射同中書  
門下平章事贈太師劉濟忬子爲子總毒死憲宗時謚  
莊武 秦州刺史贈尚書左僕射彭城郡公劉濞忬次  
子憲宗時謚景

盧龍節度副大使檢校司徒同中書門下平章事蘭陵郡  
公張仲武范陽人武宗時謚莊

盧龍節度使檢校司徒兼太傅同中書門下平章事燕國  
公張允伸范陽人咸通中謚忠烈

工部尚書楊昉謚格

定州刺史定襄郡公于匡濟謚果

杜氏通典云恪果二謚謚法所無

營州都督檢校右驍騎將軍周道務母卽臨川公主謚襄

武氏僞謚

太原靖王武克己武氏五世祖謚成皇帝廟號嚴祖 妣

裴氏謚成莊皇后

趙肅恭王武居常武氏高祖謚章敬皇帝廟號肅祖 妣

劉氏謚章敬皇后

魏恭懷王武儉武氏魯祖謚混元昭安皇帝廟號烈祖

妣宋氏謚昭安皇后

周安成王武華武氏祖謚立極文穆皇帝廟號顯祖 妣

劉氏謚文穆皇后



忠孝大王武士護武氏父高祖時累官工部尚書封應國  
公歷利荆二州都督贈禮部尚書謚定武氏時謚無上  
孝明高皇帝廟號太祖 妣楊氏初謚忠烈後謚孝明  
高皇后

楚王武士讓武氏從父謚僖

蜀王武士逸武氏從父謚節 湖州刺史潁川王載德士

逸曾孫 武氏時謚武烈

梁王武元慶武氏從兄謚冠 元慶子三思中宗時謚宣

三思子魯王崇訓中宗時謚忠

魏王武元爽武氏從兄謚德 元爽子承嗣謚宣

定王武攸暨武氏從父士彥之子中宗時謚忠簡

謚法通考卷之一百四十三終

續文獻通考卷之一百四十三